

Jesús - Chinantec, Tepetotutla

Marcos

Ē₂ Juan₅₄ jág₁ quió'₅ Diú₄ caun₂ 'uë₃ co₂'ñiog₅

(Mateo 3:1-12; Lucas 3:1-9, 15—17; Juan 1:19-28)

1.1 Le₂la₂ bá₄ ca₂rë₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄. 1A₂lin₅₄ chog₅₄ si₂ tsá₃ chi₁ton₅
“Ja₁ñi'₅₄ Diú₄.”

1.14-15

Ca₂jme₃lióg₃ Jesús jme₂tiin₂₃ dsa₂ jág₁ dse₃

(Mateo 4:12-17; Lucas 4:14-15)

1.14 Jme₁ma₂ca₂ton'₂ dsa₂ Juan₅₄ né'₃ 'má₃, Jesús nē₃ ca₂ñei₅₄ jui₅ Galilea i₁'ē₄ jág₁ dse₃ quió'₅ Diú₄,

1.15 juá'₂ ñi₂₃:

—Ca₂dsin₃ jmi₄ a₂ja₂quián₃ a₂jme₃gón₃ Diú₄. Jaun₂ lē₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

1.21-27

Jan₂ dsa₂ i₂jme₁'en₅₄ jme₂dsí₂ 'lin'₅₄ tē₂dsí₅

(Lucas 4:31-37)

1.21 Jaun₂ dsi₃léin₂ jui₂ Capernaum. Caun₂ jmi₄ sa₅₄, * ca₂'í₃ Jesús guá'₅ sinagoga*. Jaun₂ ca₂jme₃lióg₃
ca₂jme₃tiin₂₃ dsa₂ jág₁ dse₃.

1.22 Ca₂le₃ñin₃ i₂ca₂nág₂ nē₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jē₁jme₂tag₅ jan₂ i₂'io₅ 'éi'₃,
on₃juá'₅₄ rē'₂ jui₁lia'₂ jme₂tag₅ tē₂juá'₅.

1.23 Jē₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lin'₅₄, ca₂juá'₂ guió'₅ tiá₂:

1.24 —'E₂ lē₃ tián'₅ 'ne₂ Jesús Nazareno24o₃, “i₂chan₂ Nazaret.” jē₄ quián₂ jnia'₅₄? A₂jñia'₅₄ 'niog'₂ 'éng'₄
jnia'₅₄ bá₄ 'ne₂ ñe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jñi₅ quián₅ Diú₄.

1.25 Jaun₂ ca₂jén₂ Jesús i₂'lin'₅₄ i₂'en₅₄ tē₂dsí₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ nē₅.

1.26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uë₃, ca₂guió'₃ tiá₂. Jaun₂ guē₄ o₂'ñin₃ jaun₂ nē₃.

1.27 Jaun₂ ca₂le₃ñin₃ dsa₂ i₂ca₂tē₂ ne₄ ca₂i₃gó'₃ dsí₅, qui₂ca₂ñi'₃ riin'₅₄, ca₂juá'₂:

—'E₂ bá₄ nē₃? 'An₁ a₂nē₅ bá₄ juá'₅ 'mí₂? 'I₅ 'éi'₃ i₂nē₅ ca₂tē₂ ne₄ quió'₅ i₂'lin'₅₄, jaun₂ 'éi₂ nē₃ nag₂₃ gau₂
jág₁ quió'₅!

1.32-34

Ca₂jme₃'lión₂ Jesús juin₅ dsa₂ dso'₅₄

(Mateo 8:16-17; Lucas 4:40-41)

1.32 Jme₁ma₂rín₂ 'iog₂ jmi₄ jaun₂, ca₂o₃jñia₃ dsa₂ ne₅₄ ca₂le₃ñin₃ dsa₂ dso'₅₄, dsa₂ i₂tion'₅₄ jme₂dsí₂
je₂na'₅₄ nē₃.

1.33 Ca₂le₃ñin₃ dsa₂ jui₂ bá₄ ca₂ñi'₂ o₄'né₄.

1.34 Jaun₂ Jesús nē₃ ca₂jme₃'lióin₂ dsa₂ ca₂le₃jē₃ ne₅₄ dso₄ a₂jme₁lñin₄. Qui₂ca₂'uñin'₂ rē'₂ juin₅ je₂na'₅₄
nē₃. La₁ tsá₃ ma₃ca₂cuē₃ Jesús jmi₄ juá'₅₄ a₂juá'₂ guē₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂ 'éi₂.

2.1-12

Ca₂jme₃'lión₂ Jesús jan₂ dsa₂ i₂rē₂já'₃ quió'₅

(Mateo 9:1-8; Lucas 5:17-26)

- 2.1 Cang₂ jaun₂ ca₂'í₃ táng₃ Jesús jë₄ juig₂ Capernaum. Jaun₂ ca₂rë₃ñi₅ dsa₂ a₂ma₂dsiáin'₃.
- 2.2 Jaun₂ dsi₂jui₅ bá₄ ca₂ñi'₂ dsa₂ juin₅ lín₃, ca₂lia'₂ jñia'₅₄ tsá₃ ma₃të₂ ja₁'éin'₄ dsi₂néi₂, le₂tan₅₄ o₄'né₄ në₃. Jaun₂ ca₂ton₃ jág₁ dse₃ ca₂tsí'₃ dsa₂.
- 2.3 Jaun₂ ca₂dsi₃lén₂ co₂nió'₃; jë₄ jaun₂ i₃lén₂ quén₂ le₁jñia'₂₃ jan₂ dsa₂ i₂rë₂já'₃ quió'₅.
- 2.4 Ia₁ tsá₃ lé₂ ñii₃ të₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsi'₁né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsiin₂ caun₂ tsi₁jéin₁.
- 2.5 Jme₁ca₂rë₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:
—Jón₃, ma₂rë₂'én₄ bá₄ dsáu'₂.
- 2.6 Jaun₂ i₂lín₅₄ të₅juá'₅ i₂jme₁tián'₄ jë₄ jaun₂, ca₂i₃jio₅ dsí₅:
- 2.7 “¿E₂ lë₃ juá'₂ i₂në₅ le₂në₅? A₂'in₅ 'lig'₅₄ Diú₄ bá₄ i₂në₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ jan₂ Diú₄ bá₄.”
- 2.8 La₁ ma₂ñi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tián'₅, jaun₂ ca₂juá'₂:
- 2.9—¿E₂ lë₃ dsi₂jio₅ 'au'₂ 'nia'₂ le₂në₅?
¿E₂ a₂quian₅ guê₄ ta₁, a₂juig₅₄ jniá₂ dsa₂ 'lian'₂ në₅: “Ma₂rë₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ñi₄ quion₂ tsi₁jéin₁ quiáng'₂?”
- 2.10La₁, ia₁jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅* dsa₂ mi₂güig₃ ne₄ gua'₅₄ 'uë₃ a₂lé₂ le₃'éin₂ dsáu₁ dsa₂
—jaun₂ ca₂tsí'₃ dsa₂ 'lian'₂ 'éi₂:
- 2.11 —Ne₂ juig₂ jniá₂, nau₂ quion₂ tsi₁jéin₁ quiáng'₂, guan'₂.
- 2.12 Jaun₂ ca₂nau₂ 'éi₂, ca₂caun₃ tsi₁jéin₁ quió'₅, të₃ jág₅ dsa₂. Jaun₂ ca₂i₃gó'₃ dsí₅ ca₂le₃jñin₃, qui₂jme₂juiin'₂ Diú₄, tsí'₅ riin'₅₄:
—'I₁co₂ráun₂ tsá₃ 'ein₂ ma₂jág₃ jniog₄ le₂në₅.

4.35-41

Cajmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ në₃**(Mateo 8:23-27; Lucas 8:22-25)**

- 4.35 Le₃ca₂nei₂ jmi₄ jaun₂ ca₂tsí'₃ chi'₂ dsi₂guia₃-tñ₂ quiáin₅:
—Ma₃ le₃ño'₅₄ jmi₁ñí'₄ le₃ó₃.
- 4.36 Tion'₅₄ jaun₂ dsa₂ chei'₅₄ jmi₁ñí'₄, ca₂ñó₃ Jesús ca₂jio₃ chi'₂ dsi₂guia₃-tñ₂ 'ñi₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guê₄ tsi₁mu₅ siá'₂ quiong'₅₄, tion'₅₄ dsa₂.
- 4.37 Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jñá'₃ jmi₂ 'ñio₅ lín₃ ca₂lia'₂ ca₂i₃'a₄ jmi₂ 'ñi₃ tsi₁mu₅, jñia'₅₄ me'₂ tsá₃ ca₂can'₂.
- 4.38 Jme₁rë₂güin₃ bá₄ Jesús ñó₃ le₃chi₁co'₅₄ rë₂dsin₅ 'mi'₂ dsi₅₄. Jaun₂ ca₂ñei₃ dsa₂, ca₂juá'₂:
—iTë₅! ¿Tsa₁ dsan₂ 'au'₂ jua'₂ dsi₃'éin₂ jnia'₅₄ ja₁lá₃?
- 4.39 Ca₂nau₂ Jesús jaun₂ në₃, ca₂jéin₂ dsí₂, ca₂jéin₂ jmi₁ñí'₄ në₃, ca₂juá'₂:
—iJme₁'ua₅₄! iTei₄ jmo₄!
- 4.40Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí'₄, dsí₂ në₃ ca₂jñia'₃.
Jaun₂ ca₂juá'₂ Jesús ca₂tsí'₃ chi'₂ dsi₂guia₃-tñ₂ quiáin₅:
—¿E₂ lë₃ ñi₄ 'ñio₅ gan'₃ 'nia'₂? ¿A₂ bá₄ lia'₂ ñi₄ tsá₃ rë₂'én₂ 'nia'₂?
- 4.41 Jaun₂ i₃gó'₃ dsí₅ 'ñio₅ lín₃, qui₂ca₂tsí'₃ riin'₅₄:
—¿Ein₂ bá₄ lín₅ i₂në₅ ca₂të₂ jmi₁ñí'₄, ca₂të₂ dsí₂ në₃ qui₂nag₅ gau₂ jág₁ quió'₅?

5.22-24

5.22 jaun₂ ca₂dsi₃óg₃ jan₂ dsa₂ i₂nio₅ gu₂ guá'₅ sinagoga*, i₂chen₂ Jairo. Jme₁ca₂jñin₂ Jesús, jaun₂ ca₂chi₃ñé₃ ne₄ 'éi₂.

5.23 Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jii'₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

5.24 Jaun₂ nê₃ ca₂ŋó₃ Jesús quiong'₅₄; juin₅ lín₃ guê₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús.

5.35-42

5.35 Tê₃ dsia₅ bá₄ guê₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. ¿E₂ ta₁ ma₂cuë'₂ o₂me'₅₄ dsi₅ tē₅?

5.36 La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lē₁jmo₂ gang'₃; ŋjia'₅₄ lia'₂ 'én₃ bá₄.

5.37 Tsá₃ ca₂cuë'₃ jmig₄ Jesús a₂dsi₃lén₂ juin₅ dsa₂ quiong'₅₄. ŋjia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂.

5.38 Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, lia'₂ dsí₅.

5.39 Ca₂'í₃ Jesús dsi₂néi₂, ca₂juá'₂:

—¿E₂ lē₃ ŋj₄ lē₃ tó'₂ 'nia'₂ mi'₅₄, 'au'₂ 'nia'₂ le₂nē₅? Tsá₃ rē₂jon₅₄ guein₂ nē₅. ŋjia'₅₄ lia'₂ a₂rē₂güüin₃ bá₄.

5.40 La₁ ŋjia'₅₄ ca₂ŋí₂ bá₄ dsa₂ Jesús tíoin'₅₄. Jaun₂ nê₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂ŋjia₃ chog₅₄-jmei₂ 'lag₄, dsa₂ ún₂ i₂jme₁quiain'₅₄ nê₃. Ca₂i₃toin'₅₄ ja₁rē₂quian₅ guein₂ 'lag₄.

5.41 Jaun₂ ca₂ŋa'₃ gu₂ i₂bē'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juíg₂ jniá₂, nau₂.

5.42 Dsi₂jui₅ le₂jaun₂ bá₄ ca₂nau₂, ca₂ŋi₃. Jme₁ma₂'ein₅₄ guia₃-tín₂ ŋi₂. Jaun₂ ca₂i₃gó'₃ dsí₅ tíoin'₅₄.

7.18-23

7.18 Jaun₂ ca₂juá'₂:

7.19 —¿Ján₃ bá₄ tsá₃ ŋj₂ 'nia'₂ a₂juá'₅ jniá₂? Ca₂le₃jē₃ 'e₂ a₂guē'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂.

Ia₁ on₃jua'₅₄ dsí₅ dsa₂ dsi₂to'₅₄ a₂guē'₅. Rē₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄ táng₃ dsa₂ ca₁'né₄.

7.20(Ca₂'ē₃ co₂'nió'₄ a₂le₁jē₃ ca₂le₃jē₃ bá₄ má₃, jme₁ca₂juá'₂ le₂nē₅).

Ca₂juá'₂ ján₃:

7.21—Ca₂le₃jē₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rē₂'iog₅ jme₂dsí₂.

Tē₂dsí₅ bá₄ dsa₂ 'uē₂ ca₂le₃jē₃ ne₅₄ a₂'lig'₅₄: jui₁lia'₂ a₂lē₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄;

7.22 a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄;

a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄; a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jē₃ guê₄ 'e₂ a₂tsá₃ 'en₅₄ dsí₅ dsa₂ lín₅.

7.23 Ca₂le₃jē₃ a₂nē₅, tē₂dsí₅ bá₄ dsa₂ lē₂, a₂nē₅ bá₄ a₂jmo₅ a₂rē₂'iog₅ jme₂dsí₂ quió'₅ dsa₂.

9.2-8

Ca₂rē₃tsín₃ Jesús lia'₂ jniái₂

(Mateo 17:1-13; Lucas 9:28-36)

9.2 ŋjē₂ jmig₄ cang₂ jaun₂ ca₂ŋjia₃ Jesús Pe₄, Jacobo, Juan₅₄ nê₃, jaun₂ ca₂i₃lén₂ con'₂ guioin₅₄ jui₅ caun₂ má'₂ ŋei₅. Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄.

9.3 Jaun₂ ni₁tsin'₅₄ ca₂jnia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güüg₃ tsá₃ tiin₂ rang₃ 'mi'₂ a₂jnia₅₄ tiog₂ le₂jaun₂.

9.4Jaun₂ ca₂jág₃ ca₂jnia₃ coin₂, Elías quian'₅₄ Moisés, tióin₂ dsia₂₃ jág₁ quiain'₅₄ Jesús.

9.5 Jaun₂ nê₃ ca₂juá'₂ Pe₄ ca₂tsí'₃ Jesús:

—Tē₅, 'e₂ guê₄ dse₃ lia'₂ tio'₅₄ jniog₄ ja₁lá₃! Nê₃ o₁jmog'₅₄ 'ni₅ tsi'₁io₅ láu₃: caun₂ quiáng'₂, caun₂ quió'₅

Moisés, caun₂ guē'₂ quió'₅ Elías nē₃.

9.6 (On₃juá'₅₄ jaun₂ ca₂rē₃lí'₄ rē'₂ Pe₄ 'e₂ a₂ca₂'ñiai₂, tē'₂i₂₃ le₂jaun₂, ia₁ a₂gó'₅ 'ñio₅ lín₃ tíoín'₅₄).

9.7 Tē₃jē₄ jaun₂ nē₃ ca₂'ág₂ jnei₅ ja₁tíoín'₅₄, ca₂lioin₂. Jaun₂ jē₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guē₄ lín₃. Nei₂ 'nia'₂ jág₁ quió'₅.

9.8 Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ guē₄.

12.28-31

'Éi'₃ Juá'₅ a₂dsen₅₄ guē₄ quió'₅ Diú₄

(Mateo 22:34-40)

12.28 Jaun₂ ca₂guan₃ jan₂ tē₂juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rē₃lí'₄ bá₄ a₂ca₂ñag₃ Jesús lia'₂ tí₅ jág₁. Jaun₂ ca₂ñag₃:

—'E₂ 'Éi'₃ Juá'₅ a₂le₂'uig₅₄ a₂lē₅ a₂dsen₅₄ guē₄ con'₂ guē₄ ca₂le₃jē₃ juá'₅?

12.29 Jaun₂ ca₂ñag₃ Jesús:

12.30—'Éi'₃ Juá'₅ le₂'uig₅₄ con'₂ guē₄ ca₂le₃jē₃, juá'₂: “Nei₂ 'nia'₂ dsa₂ chan₂ juig₂ Israel*. Jan₂ Te₁gui'₅₄ bá₄ lín₅ Diú₄ quián₂ jniog₄.

Jme₁'nió₄ 'nia'₂ Te₁gui'₅₄ Diú₄ quiáng'₂ ca₂le₃jē₃ 'au'₂, ca₂le₃jē₃ jme₂dsí₂ quiáng'₂, ca₂le₃jē₃ 'a₂ lia'₂ ñí'₂ dsei'₂, ca₂le₃jē₃ bí₂ quiáng'₂.”30Deuteronomio 6:4-5.

12.31 Jē₁ca₂tē₂ tñ₃ juá'₅ nē₃ juá'₂: “A₂jme₁'nióg'₄ dsa₂ mi₂güüg₃ ríng'₂ jui₁lia'₂ 'niog'₂ 'ñiag'₂.”31Levítico 19:18. Jñia'₅₄ lia'₂ a₂tñ₃ nē₅ bá₄ juá'₅ a₂lē₅ a₂dsen₅₄ guē₄ con'₂ guē₄ ca₂le₃jē₃ 'Éi'₃ Juá'₅ quió'₅ Diú₄.

14.10-11

Jmo₅ Judas caun₂ jág₁ a₂'ñii₂₃ Jesús

(Mateo 26:14-16; Lucas 22:3-6)

14.10 Jaun₂ nē₃ Judas Iscariote i₂jme₁lín₄ jan₂ chi'₂ dsi₂guia₃-tñ₂ quián₅ Jesús, ñei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂.

14.11 Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ guē₄ nē₃ ca₂'náu'₃ Judas dsí₅ 'a₂ lia'₂ cuín₅ jmig₄ a₂jñin'₂ Jesús, jaun₂ tsáun'₂ dsa₂.

14.44-46

14.44 Jaun₂ Judas nē₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jē₁ma₂tē₂ rē₂jáng'₂, jme₁ma₂juá'₂:

“I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄ 'nia'₂, lē₅ 'í₁.”

14.45 Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

14.46 —i₂Tē₅! —Jaun₂ ca₂chen'₃ quió'₅.

Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

15.6-15

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19 :16)

15.6 Jmig₄ jaun₂ jme₁chí'₄ tag₄ a₂lióin₂ ca₂le₃jē₃ ñi₂ jan₂ dsa₂ i₂'en₅₄ né'₃ 'má₃, jme₁tē₅ Jmig₄ Tē₂'in₅₄*, 'ein₂ ca₂'in₃ dsa₂ juig₂ i₂lión₂.

15.7 Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂.

15.8 Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lē₅ tag₄ chí'₅.

15.9 Jaun₂ ca₂ñag₃ Pilato ca₂tsí'₃ dsa₂ juig₂:

—'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

15.10 Ia₁ ca₂rē₃lí'₄ bá₄ Pilato 'ñiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jñin'₂ Jesús ne₅₄.

15.11 La₁ jui_g⁵⁴ jme₂dsa₂ nē₃ ca₂toin'₂ já_g₁ dsa₂, jaun₂ tóin'₃ co₂mi'₅₄ a₂mi₃ líón₂ Barrabás bá₄.

15.12 Jaun₂ ca₂ηag₃ táng₃ Pilato ca₂tsí'₃ dsa₂ jui_g₂:

—¿E₂ guē'₂ 'niog'₂ 'nia'₂ jmo₅₄ jniá₂ quian'₅₄ i₂tē'₂ 'nia'₂ rag₅₄ quiáng'₂?

15.13 Jaun₂ ca₂ηag₃ dsa₂ jui_g₂ co₂mi'₅₄ tíoín'₅₄, ca₂juá'₂:

—iTióín₃ cróg₄!

15.14 Jaun₂ ca₂juá'₂ táng₃ Pilato:

—¿E₂ 'uig₅₄? ¿E₂ guē'₂ dso₄ ma₂'náu₂?

La₁ tē₂le₃ i₂juí'₂ guē₄ co₂mi'₅₄ ca₂tóin'₂, ca₂juá'₂:

—iTióín₃ cróg₄!

15.15 La₁ Pilato nē₃, ia₁jaun₂ dsi₃lén₂ dsa₂ tei₄, ca₂lióín₂ bá₄ Barrabás i₂mi₅ dsa₂ líón₂. Jme₁ma₂nē₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ jui_g₂ jaun₂ tion₃ cróg₄.

15.33-39

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

15.33 Jme₁ca₂tē₂ dsi₃ηí'₃, 33lit. “hora ηηéi₂.” ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora ηí₁ 'ni₅ tē₂le₃ ca₂'láu₂, 33lit. “hora ηi₃.”

15.34 Hora jaun₂, ca₂'ηia₂ guē₄ Jesús já_g₁, ca₂juá'₂ tiá₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿e₂ lē₃ ma₂nē₂téi'₃ jniá₂? 34Salmo 22:1.

15.35 I₂lin₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ já_g₁ tsí'₅ riin'₅₄:

—iNei₂! Elías i₂jme₁'ē₂ já_g₁ quián₅ Diú₄ ma₂líg'₂ tē'₂.

15.36 Jaun₂ nē₃ ηó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ñ'₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

15.37 Cón'₂ bá₄ ca₂'ηióg₂ guē₄ Jesús tiá₂ lín₃, co₂tan₅₄ ca₂join₃.

15.38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lē₃ tín₃ tsín'₅ tsi₁'mi'₂* pa₁ a₂jme₁'ei₅ dsi₂néi₂ guá'₅ templo*.

15.39 Jaun₂ jui_g₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tē₃dsón'₂ bá₄ jme₁lín₄ dsa₂ nē₅ Ja₁ηí'₅₄ Diú₄.

15.42-46

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

15.42 Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂ηia₅₄ jui₁lia'₂ 'ióg₃ jmig₄ ηηió₅.

15.43 Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁ηia₂₃ a₂'ñ₂ dsí₅ a₂guá'₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ nē₃, ηó₃ ja₁con₂ Pilato, ca₂i₁mii₁₂ 'lag₄ Jesús.

15.44 Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tē'₃ jui_g₅₄ 'lióg₂ ca₂ηag₃ chi₂jua'₂ dsón'₂ ma₂join₂₃.

15.45 Jme₁ca₂tē₃ηi₅ ca₂juá'₂ 'lióg₂, “Dsón'₂ bá₄ le₂jaun₂ ma₂ca₂lē₃”, jaun₂ ca₂jñin'₂ 'lag₄ o₄gú₃ Sē₄ 'éi₂.

15.46 Jaun₂ Sē₄ nē₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to'₂ 'ηióg₃ tau₂ 'ηio₅ a₂jme₁ma₂lē₅ dso'₂ ni₁'lau₂. Jaun₂ ca₂mói₂ ca₂míg₂ ni₁cang₁ 'i₂ pa₁, ca₂jne₃ 'o₄ tau₂ 'ηio₅.

16.1-7

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

16.1 Le₃ca₂gú'₃ jmig₄ jñiós, jaun₂ María i₂chan₂ Magdala quian'₅₄ María chog₅₄ Jacobo, lo₃, Santiago. quian'₅₄ gué₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús.

16.2 Jaun₂ le₁né₃ gué₄ jme₁jnia₃ jmig₄ le₂'uig₅₄ semana, ca₂i₃léin₂ ja₁chi₁'on₅ Jesús, ca₂dsi₃léin₂ con'₂ ma₂'en₅ ca₂la₂ 'iog₂.

16.3 Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jni₅ 'o₄ tau₂ 'ñio₅?

16.4 La₁ jme₁ca₂jág₃ ně₃, jua'₂ ma₂rē₂mu₅, cau₅ bá₄ ma₂chí'₅. Ia₁ a₂jme₁pa₁ lin₃ bá₄ ni₁cang₁.

16.5 Jaun₂ ca₂i₃toin'₅₄ 'ñiós, jaun₂ ca₂jñin₂ jan₂ dsa₂ chí'₂ i₂qui'₂ 'mi'₂ chen'₅₄ tiog₂, guá₅ tē₂le₃ gu₂ ne₁ ja₁i₃léin₂ jaun₂. Jaun₂ ca₂i₃gó'₃ dsí₅ 'io₅₄ ně₃.

16.6 La₁ ca₂juá'₂ dsa₂ 'éi₂:

—Tsá₃ jui₂dsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂nio₅'₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia'₂ ja₁ca₂quio₅ dsa₂.

16.7 Jaun₂ o₂nó'₅ 'nia'₂ o₂chei'₅₄ chí'₂ dsi₂guia₃-tñ₂ quiáin₅, Pe₄ ně₃, a₂ma₂'ein₅₄ jui₅ ñó₅ jñiá₅ lia'₂ con'₂ gué₄ 'nia'₂ jui₅ Galilea. Ja₁jaun₂ o₁jñin'₄ 'nia'₂ con'₂ lē₅ jág₁ quió'₅ ma₂ca₂juá'₂.

16.15-16

16.15 Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güüg₃, o₂'ē₃ jin₄ ca₂le₃jñin₃ dsa₂ jág₁ dse₃.

16.16 I₂'én₂, i₂jñó₂ jmig₂ ně₃, lióin₂, tñin'₄ bá₄. I₂tsá₃ 'én₂ ně₃, le₃chain₂ tioin'₅₄ 'éi'₃ a₂dsi₃'éin₂.

16.19-20

Ca₂uíg₂ Jesús guei'₅₄ i₂juíg₃

(Lucas 24:50-53; Hechos 1:6-11)

16.19 Jme₁ma₂lēs₅ juá₂ Te₁gui'₅₄ Jesús le₂nēs, jaun₂ gué₄ ca₂roin'₂ ñái'₃ guei'₅₄ i₂juíg₃, jaun₂ ca₂guá₂ tē₂le₃ gu₂ ne₁ quió'₅ Díú₄.

16.20 Cang₂ jaun₂, dsa₂ i₂jme₁quiain'₅₄ ně₃, ca₂'uain₂ i₁lein₅₄ ca₂le₂con₂ juig₂ i₁'ē₄ jág₁. Jaun₂ 'ñiog₅ bá₄ Te₁gui'₅₄ Jesús ca₂cuēs₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tē₂le₃ quian'₅₄ ca₂le₃jē₃ léi₄ juē'₂ a₂qui₂ca₂jmo₃ dsa₂ quiáin₅.

Co₂nēs.